



Sarajevo, 26.12.2019. godine
Broj:18-05-43190-109/19

SKUPŠTINA KANTONA SARAJEVO
Reisa Džemaludina Čauševića br.1

Predmet: Odgovor na zastupničko pitanje zastupnika Zvonke Marića
(veza br. 01-05-43190-109/19)

Zastupnik Zvonko Marić je na 16. radnoj sjednici Skupštine KS održanoj 11.12.2019. godine, u skladu s članovima 211. i 214. Poslovnika Skupštine KS, postavio sljedeće zastupničko pitanje:

„Molim sve subjekte koji su zaduženi za provedbu Plana interventnih mjera u slučajevima prekomjerne zagađenosti zraka u Kantonu Sarajevo (Službene novine KS 44/19) da me obavijeste o poduzetim aktivnostima tokom epizoda „Pripravnost“ i „Upozorenje“ koje je trajalo od 06. do 09. decembra ove godine?“

Uposlenice Službe za protokol i press Kantona Sarajevo Azra Đozo, kao član, i Vildana Hantalašević, kao zamjenik člana, imenovane su u Stručno tijelo za koordinaciju i nadzor provedbe Plana interventnih mjera u slučajevima prekomjerne zagađenosti zraka u Kantonu Sarajevo, radi obavljanja poslova iz oblasti odnosa s javnošću. S tim u vezi, a vezano za Vaše pitanje, u ovom odgovoru informišemo Vas koji poslovi i aktivnosti su poduzeti u navedenom periodu od 06. do 09. decembra ove godine.

U petak, 06. decembra ove godine napisano saopštenje za javnost koje se odnosilo proglašavanja epizode „Pripravnost“ za područje Kantona Sarajevo, zbog zagađenosti zraka, i to pod naslovom: „**Zbog zagađenosti zraka, proglašava se epizoda „Pripravnost“ za područje Kantona Sarajevo**“. Saopštenje je proslijeđeno medijima, objavljeno na službenoj web stranici Kantona Sarajevo, kao i facebook stranici Vlade KS. Pored upozorenja i apela upućenih stanovnicima KS, u saopštenju su posebno istaknute mjere koje se moraju poduzeti kada se proglašava ova epizoda, navedene izmjerene vrijednosti polutanta PM10 te vremenska prognoza.

Sutradan, u subotu, 07. decembra je zbog dodatnog pogošanja zagađenosti zraka u KS, a na prijedlog Stručnog tijela za koordinaciju i nadzor, Vlada Kantona Sarajevo u skladu sa pomenutim planom proglasila epizodu „Upozorenje“, o čemu su javnost i mediji također odmah po donošenju odluke o ovome i informisani. Saopštenje za javnost pod naslovom: „**Vlada KS proglašava epizodu „Upozorenje“ za sve zone na području Kantona, zbog dodatnog pogoršanja zagađenosti zraka**“ je objavljeno na službenoj web stranici Kantona Sarajevo, ali i na facebook stranici Vlade. U njegovom sadržaju su, pored upozorenja i apela stanovništvu, precizno navedene sve mjere propisane da se poduzmu nakon proglašenja pomenute epizode i to sa istaknutim institucijama, ustanovama i preduzećima zaduženim za njihovo provođenje. Potcrtano da su na snazi i mjere iz prethodno proglašene epizode „Pripravnost“, navedene prekoračene vrijednosti polutanta PM10 te vremenska prognoza. Također je istaknut i broj eko-telefon br. 033/660-000 ili telefon Kantonalnog operativnog centra civilne zaštite br: 121 na koji je bilo moguće prijaviti sve nedozvoljene radnje koje doprinose pogoršanju zraka.

S obzirom na ozbiljnost situacije uzrokovane pogoršanjem zagađenja zraka, u nedjelju, 08.12.2019. godine Stručno tijelo za koordinaciju i nadzor je zatražilo od uposlenice naše službe da putem saopćenja za javnost Vladi KS predloži, te u isto vrijeme i javnosti saopći zadržavanje na snazi dan ranije proglašene



epizode „Upozorenje“, sa izmjerenim prekoračenim vrijednostima polutanata PM10 te vremenskom prognozom.

U ponedjeljak, 09. decembra 2019. godine, Vlada je na prijedlog Stručno tijelo za koordinaciju i nadzor donijela Odluku o ukidanju epizode „Upozorenje“ povećanih koncentracija zagađujućih materija u zraku u svim zonama Kantona Sarajevo, u kojima se primjenjuje Plan interventnih mjera u slučajevima prekomjerne zagađenosti zraka u KS. Ovu Odluku je Vlada donijela na osnovu činjenice da je zabilježen pad koncentracije zagađujućih materija te uzimajući u obzir vremensku prognozu Federalnog hidrometeorološkog zavoda. U isto vrijeme je javnost informisana da snazi ostaje epizoda „Pripravnost“ u svim zonama KS u kojima se primjenjuje navedeni plan, te objavljen link sa mjerama koje trebaju provoditi u okviru ove epizode, a koje su sastavni dio Plana interventnih mjera u slučajevima prekomjerne zagađenosti zraka u Kantonu Sarajevo. Saopćenje je također proslijeđeno svim medijima sa kojima saraduje naša služba, objavljeno na službenoj web stranici, te facebook profilu Vlade KS.

S poštovanjem,



Nenad Marilović